

## Otro siman planta di awa ta yega Aruba

ORANJESTAD(AAN) -- Debi na e hecho cu e barco cu mester transporta e planta a haye confronta cu mal tempo, mester a baha velocidad y esaki ta e motibo cu e entrega di e planta a demora.

Informacion cu DIARIO ta dispone di dje ta muestra cu entre Diadomingo y Dialuna e planta di awa Aqua Camp lo yega Aruba.

Ta asina cu ora e capitán di e barco a haya su mes confronta cu

mal tempo e mester a reduci velocidad te na un miya pa hora pa evita cu e planta lo sufri daño.

E barco lo bay ancla promer na pier di Coastal pa descarga algun container y despues lo ancla na WEB y cu craan lo pone e equiponan caminda nan mester worde instala.

Ta asina cu ya e fundeshi pa cu e planta ta cla. Ta ser spera cu dentro 11 pa 12 siman e planta lo mester ta completamente cla pa

asina cuminsa cu produccion di awa pa solucion a e problema actual.

Mientrastanto barconan di awa lo sigui bini Aruba pa asina yena e tankinan pa segura suministro di awa. Aruba ta ricibiendo awa entre otro di Dominique, Merca, Venezuela.

Informacion cu DIARIO ta dispone di dje ta indica cu ya preparacionnan pa e segundo planta di awa ta ser haci pa asina cumpli cu e demanda.

## Casnan bandona ta ser habita pa drogadictonan

ORANJESTAD(AAN) -- Den pasado, parti di hospital bieu tabata ser habita pa personanan cu no tin lugar di keda.

Mayoría di nan ta recidivistanan cu ta usa droga. Gobierno a bin cu accion y a haci e lugar completamente bashi.

Actualmente ta asina cu diferente di e casnan bandona ta ser converti den un centro di consumo di droga. Na Playa, Polis a yega di tene accion na un cantidad di casnan bandona, caminda a detene grupo di persona cu tabata usando droga.

Ta asina cu habitantenan preocupa cu den nan bario tin drogadictonan ta cana rond, ta notifica Polis ora nan mira movecionnan straño y danki na e cooperacion aki hopi biaha Polis ta sorprende esnan cu ta usa droga.

Ultimamente DIARIO a publica un cantidad di caso

caminda Polis a haya recidivistanan den casnan bandona.

Hopi biaha ta den horanan di anochi, e drogadictonan ta topa otro den e casnan bandona, y nan ta fiesta manera nan ta haya ta bon, terrorizando e habitantenan den vecindario.

Por constata cu constantemente Polis ta ricibi yamada di

movecionnan straño cu ta tuma lugar. Esaki ta un indicacion cu e pueblo poco poco ta birando conciente di e peligro di droga.

A bira tempo pa e instancia concerni tuma medidanan pa evita cu e casnan bandona ta ser habita pa drogadictonan. Si no tuma medida, e asunto aki ta sali for man y no por controle mas.

## No tabata tin casonan penal ayera


ORANJESTAD(AAN) -- Ayera den horanan di mainta, tur e Jueznan di Aruba mester a viaha pa Curaçao pa asina asisti na un reunion hunto cu e Jueznan di Antias.

Normalmente ta asina cu un of mas vez den un aña e Jueznan ta reuni pa papia ariba asuntonan di trabao.

Ayera esaki tabata e caso y pa tal motibo, no a trata ningun caso penal.

Informacion cu DIARIO ta dispone di dje ta muestra cu Dialuna e casonan penal lo worde trata.

E reunion na Curaçao aparentemente tin un duracion di un dia. Probablemente awe tur e Jueznan ta regresa Aruba.



*Mr. J.F.E. Breman embahador pa Reino Hulandes na Ottawa Canada ta haciendo un bishita di trabao na Aruba. Ayeramañta mr. Breman a haci un bishita di cortesía cerca Gobernador di Aruba sr. Felipe Tromp. Tambe mr. Breman a bishita Promer Ministro sr. Nelson Oduer y a reuni cu Ministro di Trafico y Comunicacion sr. Elio Nicolaas. E embahador den curso di ayera a reuni tambe cu representantenan di Aruba Foreign Investment Agency y Camara di comercio. Durante su estadia na Aruba cual lo dura te Dialuna awor mr. Breman ta worde acompaña pa sr. Wicky Schouten di Departamento di Relaciones Exteriores.*

# Drs. Henry Baarh Director di Departamento di relacionnan exterior

ORANJESTAD(AAN)- Drs. Henry Baarh recientemente a worde nombra como director di Departamento di Relacionnan Exterior. Sr. Baarh tabata e director interino di e departamento aki promer cu Consejo di Ministro a dicidi di nombra sr. Baarh a base di recomendacionnan y via un solicitud abierto.

Despues di a termina su estudio di avond-HAVO na 1974 sr. Baarh a bay Hulanda unda el a termina su estudio di VWO na 1976. Despues di esaki sr. Baarh a cuminsa su candidaat Rechtenstudie na Universidad di Amsterdam y a termina su estudio exitosamente na 1983, ricibiendo su Doctorado den Derechonan Internacional.

Durante dicho estudio sr. Baarh tabata asistente di Profesor Dr. Richard Lauwaars na e "Europa Instituut" na Universidad di Amsterdam. Tambe sr. Baarh a colabora na varios publicacion di e revistanan "Sociaal Economisch Recht" y "Leading Cases before the European Court of Justice". Na Maart 1984 sr. Baarh a haci un estudio post-graduado ariba tereno di e "Integracion Economico, Politico, y Juridico di Europa" na e "Europe Instituut".

Sr. Baarh a cuminsa su servicio den Gobierno na 1984 na e Departamento di Asuntonan Constitucional y Legislativo (W.C.Z.) cu despues a bira Departamento di Legislacion



(Directie Wetgeving). Na April 1985 sr. Baarh a bay Hulanda pa core stage na e Ministerio di Asuntonan Exterior na Den Haag. Na October 1986 sr. Baarh a worde traslada pa e Seccion di Asuntonan Exterior na Oficina di Ministro Presidente, cual seccion desde 1 Januari 1990 a bira e Departamento di Relacionnan Exterior (Directie Buitenlandse Betrekkingen). Desde December 1986 sr. Baarh tambe tabata fungi como hefe suplente di dicho seccion.

Sr. Baarh a forma parti di varios comision y tabata e persona cu a catalisa diferente tratadonan internacional p.e. tratadonan di aviacion entre Aruba y Estados Unidos, Venezuela, Colombia,

Panama, Brazil y Republica Dominicana. Entre e tratadonan di aviacion mas recien ta figura esnan cu Belgica y Trinidad y Tobago. Tambe sr. Baarh a forga tratadonan cu Venezuela ariba otro terenonan, pe. un tratadonan cu Venezuela ariba otro terenonan, pe. un tratado pa cooperacion combatimento di uzo y traficaion di droga, y un tratado pa cooperacion ariba tereno di petroquímica y combatimento di contaminacion maritimo.

Sr. Baarh ta miembro di directiva di FUNDINI, un fundacion local cu lazonan internacional pa investigacion y informacion.

Sr. Baarh ta casa y ta tata di un yiu.